

purgentur. Validi siquidem mendici prohiberi debent, ne mendicentur. *L. unic. C. de Mendic. valid.* quæ lex repetita est à Carolo V. in *R. I. de Anno 1530. Tit. von Bettlern und Müßiggängern. fol. 251.* Et *Rec. Imp. de Anno 1548. f. 422. R. I. de Anno 1577. tit. 27. f. 767.* Omnes itaque qui publicè mendicantur, sunt inspiciendi, & examinandi. Et qui deprehenduntur inertes ac validi ad laborem, unde sibi victum & amictum honestè quærant, sunt cogendi: vel ut aliis serviant, coërcendi. Vide *Fritschium c. 15. de Valid. Mendic. n. 3. p. 125.* Illis verò, qui ægri, invalidi, & fide dignum testimonium suæ egestatis producere poterunt, elemosynæ à publico suppeditandæ sunt. Vide *Perez. ad l. un. C. de Mend. val. n. 5. 7. fol. 825.* Quam legem hodiè planè non observari, conque-ritur non immeritò *Damhouder. Prax. Crimin. c. 112. num. 55. f. 191.* Adde *Paul. Christin. Vol. 5. Decis. 78. p. 158. 159.*

Sunt autem *Mendicantes validi*, qui nullâ corporis infirmitate laborantes ostiatim panem vel pecuniam petunt, ut ita ex alieno potius, quàm propriâ industriâ ac labore acquisitò victu vivere & se sustentare volunt. Quò pertinent desertores militiæ, *Die gartende Knechte* / opificum famuli, aut juvenes: vagantes studiosi citra necessitatem. *Fritschius c. 8. p. 65. per tot. de Val. Mendic.* Huc pertinent illi, qui dicuntur Mendici falsarii, qui morbos & vulnera, vel casum fortuitum v. gr. incendii, vel spoliationis & devastationis publicæ mentiuntur, quiqve literis eum in finem scriptis & sigillo quodam munitis abutuntur. Illi autem, si convincuntur tanti falsi, fustigatione & perpetuâ relegatione puniuntur, *P. Heigius part. 2. qv. 77. n. 21. p. 233.* Quoniam istud genus mendicandi habet speciem falsitatis: & licet hoc ita non esset, tamen optimò jure tanquam stelliones & publici impostores fustigandi essent.

Huc referuntur *Zygeni seu Cingari. Zigeuner* / qui catervatim de uno loco in alium, sed incertis sedibus migrant, & primùm in Germania Ao. 1417. visi sunt teste *Crantzio L. 11. c. 2. Sax.* non tantum mendicanti, sed & furtis sunt, dediti, qui tanquam exitiosi & nefarii homines in republica tolerandi non sunt. Quapropter etiam *Carolus V.* in *R. I. Anno 1548. Tit. von Zigeuner. fol. 422.* de Zigenis constituit, ne ipsis concedatur transitus per territoria Principum, nec salvus conductus indulgeatur. Idem & *Rudolphus II.* constituit in *Ordin. Polica tit 28. de Ao. 1577. f. 768.* Vide *Fritschium in Tract. de Valid. Mendicant. c. 12. p. 101.* Et integr. *Tract. qui est Appendix in Syllog. Varior. Tractat. Juridico-Politicor. de Zygenorum origine, vita & moribus, pag. 558. & seqq.*

ARTIC.